

四庫禁燬書叢刊編纂委員會

北京出版社

四庫禁燬書叢刊

集部第一二一冊目次

翁山詩外十八卷(二)

〔清〕屈大均撰
清康熙刻凌鳳翔補修本

一

嶧桐文集十卷詩集十卷

〔明〕劉城撰
清光緒十九年養雲山莊刻本

三六九

翁山詩外十八卷(二)

〔清〕屈大均撰

清康熙刻凌鳳翔補修本

中國科學院圖書館藏

翁山詩外

番禺 屈天均 撰
荅南 凌鳳翔 校

五言律

靈谷寺

往日山門外蕭森十里采梅花因太祖香水自神
龍烟雨官城暗舞蒼梧路封興亡無限恨消得一聲鐘

西樵

幾處飛崖斷因采作一橋風多長化水雨小亦生
潮垂釣來紅女牽舟上紫霄年年茶笋候人競入

西樵

西樵大雨同雪公往碧玉洞觀瀑布

驟雨驚林壑開門落葉紛遙知東瀑布澎湃下重
雲破壁虹蜺出隨風珠玉分蘿衣沾溼盡援引賴
夫君

京江舟中望金焦二山作

一水分京口雙峰作海門潮蒸寒日氣天插白雲
根十里鐘聲接中流塔影奔茫茫吳楚恨鳴

寧陵道中贈梵公

黃河猶未渡悵望雨紛紛久客親形影長征厭水
雲村荒難乞食日暮易離羣何夜嵩陽寺疎鐘定

裏間

重賦梅花為陳伯子壽

兩度梅花發相將紫塞看移來浮嶠月為爾不知
寒積雪含春色微風落玉盤平生無可贈惟有此
瑯玕

讀白堂詞選作

南國傷風雅詩亡但有詞草堂多作者北宋復今
時才子兼能選風流亦可師定知徐孝穆更與玉
臺期

和杜二雪中入潼谷作

泥深潼谷路人馬滑難行雪以河形失冰將嶽勢

平當關非漢將踐率是秦城白帝祠前宿愁君永

夜情

夜集焦將軍宅作

白髮奈春何紅顏寒上多迎來紛寶馬舞去得花
羅絲管沉明月壺觴起綠波將軍饒逸興天曉戀
鳴珂

步出虎山橋作

二溇太湖通橋橫玉鏡中雲光晴在水雪氣冷含
風驚下多盤石鳥啼只故宮花開先柳葉斟酌白
還紅

題梅村集

七字初唐好司成變化中自兼長慶體先賦永和
宮事補先朝史聲高列國風遺音在流水洄溯意
無窮

集張帶三先生草堂分賦

勝日簪裾會吳淞水一涯驚知公子意花落美人
懷芝草方逃漢鱸魚不上淮季鷹賢父子白髮更
相偕

夜坐蔡五玉得齋作

平生此清夜不負白雲鐘世事餘明月天心但碧
峰微言因酒發薄夢與花逢隱几誰能似人間一
老龍

初夏集蔡氏園池作

江南櫻筍會最重是清和柳色全欺酒花光半染
波白鷗人事少黃鳥友聲多芍藥勞相贈情如欲
別何

秦淮觀水漲作

春盡流方滿微茫接鳳臺黃因山雨發青是海潮
來野淚猶洋溢天河未艸萊年年見鴈意太液望
重開

題怒吳樓

在天門山祀
漢壽亭侯

一片吞吳氣風濤共不平天門高廟貌江左畏神
明正統還先主偏安亦漢京仲謀真國賊遺恨是

連營

絕代髯超逸名高季漢書千秋猶討賊百戰未寧
居豚犬魂安在蛟龍氣有餘東吳尤可怒乘勢竊
皇輿

辛苦興王業春秋義最深三分先帝淚六出武侯
心漢月光猶昨江濤怒至今樓高橫采石戰氣日
陰森

蔡五携尊過江東門寓軒

繇來江左客第五最知名青歲偏聞道卅砂亦寄
情行携春酒美坐愛夕堂清罍粟花枝下歡看稚
子迎時見子

菊

黃菊叢叢發貧家有好秋葉兼慈母饌以菊葉施
鮑魚之
花爲故人畱不幸成高節無端致白頭年年遲暮
意因爾一忘憂

嶺梅

嶺梅冬已發香總在南枝霜共黃花溼風兼絳葉
吹雖寒無雪覆卽早有爲窺隔歲春光滿江南姝
未知

七夕婁門舟中有懷

年年牛女夕夕江上起相思天上猶難見人間詎可
期淚浮銀漢滿歌送玉杯遲一片婁東水含愁無

盡時

故人

故人惟五老長在匡廬山笑我十年去無成終不還玉川飛瀑上金竹大坪間兩處堪棲止浮雲且自閒

哀殤

母魄藏梅子兒魂在上河荆吳千里隔風雨兩秋過夢以黃泉好情當白首多高堂知此信落灑更如何已未秋七月喪姬人陳氏於漢陽九月至金陵而陳氏所生子阿遂年甫三歲以失學亦死於門外二姑相望青然千里傷楚無母誰憐汝酸啼絕乳時提携勞二妾喪亂苦孤

翁口詩外

五律四

五

兒大別魂來抱長干骨未持歸舟多涕淚總為兩墳悲

湖口守風作

舟自秦淮發江行歲欲除一風起彭蠡十日望匡廬身在因聞道途窮為著書妻孥紛涕淚食盡有湖魚

清濁鷺鷥水微茫此合流江穿彭蠡去山逐落星浮鴈早先過嶺見寒故近舟蕭蕭雙短鬢空與秋

花秋

漁父勞相問蘆中又一人圖書青草沒兒女白鷗親十日依沙嶼三年似水蘋浮沉吳楚好終是北

堂身

鷓鴣飛不北歸計只番禺妻子皆南客粵人謂孔蠻巨有老夫水聲秋在石山影晚當湖莫恨多憔悴先人是左徒

左蠡蒼茫外黃巖彩翠中雙帆難出浦十里亦愁風瀑布無心望梅花謂庚有夢通天生大蝴蝶只許在禺東

鷓鴣元有志豈畏朔天寒日是羅浮早花惟漲海丹將歸兒女喜未到水風難清絕高堂月猶從夢裏看

縣外江湖合波濤盡白頭芙蓉吹已落復作大孤

翁口詩外

五律四

六

浮蒼翠連三楚蕭森起一洲平生慚惠遠不向虎溪畱

廬岫須臾失湖光變白雲波濤將布水總作雨紛紛竹影何時見余聲昨夜聞夢魂如可再更去訪匡君

萬仞香鑪影飛來帶紫烟曉從疎雨入帆與亂雲懸月射湖光直風吹嶽勢偏白鷗知寂寞一一酒尊前

雨中多白鷺爭拂釣船飛楓葉明墟落蘆花隱翠微石鐘風外響漁火夜深歸未遠浮家志霜鱗此地肥

幽幽三峽澗人飲玉泉肥自向白雲去長因芳草
歸九江愁挂席五老枉開扉日與南風守那能白
髮稀

片帆旬日駐未赴石人期石人峯鶴那知義龍
蛇自有時霜驚寒氣早雨愛暮聲遲漁釣難爲食
王孫且莫悲

蒼翠朝來好風多影不分吹將千仞水散作半空
雲蘭棹那能發漁歌故使聞厭看烟火外白鷺點
氤氳

朝朝湖口泊五老笑人愁日月三年擲鴻濛一嘯
收妻孥催白髮射獵及清秋歸向梅銷鎖英豪事

翁山詩外

五律四

七

可求

求魚飛復下誰道鷺鷥閒芳草雖無地浮雲亦有
山風波消壯志歲月長愁顏收拾浮生事天容更
掩關

颶風如漲海十口日驚心雷雨爭何事蛟龍病至
今雲開湖鏡小山沒浪花深三日羨魚好行將典

素琴

兼旬風雨苦力盡半船書老使文章貴愁令嘯詠
疎沙寒初有鴈石淺更多魚安得高堂許柴桑竟
隱居

香爐空外起一氣日氤氳石色青天地花光白水

雲雨來鳬雁合風起灤泉分縣小圍山半人烟易
夕曛

嬌小憐兒女從人望翠屏不知廬嶽好只愛大孤
青三歲來吳楚全家作水萍風波驚一路最險是
宮亭彭澤亭

烟雨同三婦瀟湘禮二靈君將南嶽寫衣得女花
聲抱子還梅嶠從姑說洞庭無窮風水事江漢肯
重經

勝地惟江左畱居惜未成妻孥思素業兄弟恨虛
名散帙驚濤濺開帆白鳥迎彭湖不可渡半月阻
歸程

翁山詩外

五律四

八

首路爭鴻鴈深秋家未還西江淹桂楫南塞阻梅
關寶劍空多氣香醪不上顏裁詩頌風伯咫尺是
廬山

烏鳥思歸養雌雄失路時音聲南客愛文采北禽
欺日落收帆早風清解帶遲故林多食物最好是
離支

峽江縣

縣小全無地城高半在山人家雙杵急野渡一舟
閒月出夕陽際烟生秋水間沙洲防閣淺帆宿及
前灣

吉州感事

螺川清且淺水色映青原沙漬三年血風飄百戰
魂皆憐都尉苦莫念鄜生冤一自生降去聲今爲
爾吞

兩年酣戰苦人恨小韓信雨暗青燐影風高白骨
塵親軍難救汝奇道不先人永夜帆檣宿因君淚
滿巾

驚人惟問道老我是孤城深入應無敵遲行自受
兵師徒隨雨散壁壘與雲平飲盡將軍血蒼茫哭
一聲

少卿詞賦客豈意亦能軍玉貌重圍損金筋怨曲
聞刀環誰贈汝劍客幾從君一片驕驕氣長吞大

漠雲
翁山詩外 五律四 九

三峽澗

廿四溪潭滙驚雷響不通如何三峽水都在一橋
中白噴炎天雪寒吹古澗風棲賢僧舍外坐久瀑
聲空

梅鎬

庾嶺惟秦塞臺侯是越人重瞳封萬戶句踐有孤
臣濱水鄉閭舊鄱陽俎豆新千秋交廣客欲繼入

關塵

艱難自梅里此地奉君王豈欲興於越惟知祀少
康曾從高帝復名在漢書長食采梅花國人欽萬

古香

森爾龍川令乘時竊一州徒能欺二世不解助諸
侯冠帶遲南越車書阻上游將軍句踐裔智勇著
春秋

贈安遠水驛汪丞

一路連舟下艱難至越門汝官秋水驛吾卧白雲
村十口蛟龍出三城虎豹存軒轅讀書處爲我置
琴樽

莫道官微甚前賢重抱關況當中宿勝堪在上方
閒帝子弄長笛佳人歸玉環經過多賦客因爾叩

雲山

翁山詩外 五律四

十

山水矜三峽君臣軒轅二帝子爾二馬君其在二
禹官衙紛彩翠仙跡未虛無吹角江城暮維舟野
寺孤隨潮經一宿多謝酒頻沽

詠史

七首頻虛發無成愧丈夫心悲雖故國事去未窮
途鉅野堪爲盜朱家且作奴如何慚一母無食向
江湖

過陳丈園

七載不相見玉蘭如我長香多王者物花是老人
糧養壽宜閒事畱春在醉鄉東園公寡友相與只
張良

珪研張君製得兩玉研

雌雄雙玉研追琢益天然日月元同命珪璋自比肩氣應為美女光定燭高天宜爾題詩筆沾濡出紫煙張君製得兩玉研

贈尹子生日

君從年少日人外已能閒有道須耽酒無心即閉關水搖窓戶綠花點髮毛斑歲歲春無事相逢總玉顏

夜夜觀垂象長星欲竟天心驚離亂後計得廢興前碩果誰能食喬采自有年紅橋花裏渡咫尺即飛仙

翁山詩外 五律四

尹君有三孫甚憐愛詩以贈之

君里亦西豪人才兩代高兒生珠子樹父與鳳凰毛不以龍孫小而忘燕翼勞家聲承乃祖青瑣更分曹

贈友姪林亦見

有美忠良後人稱小鳳凰汝才須麗則吾道亦文章珠璣當明月梅開及一陽親仁諸父在孝友與天長珠璣中每當夜深月明時

答于鼎

今代神交我無如君弟兄心從天外得日向夢中成黃海期終踐炎州事已平寄言峰上月暫為綠

樽明

風雅三閭變離騷萬古師漢時多弟子今代只孫枝爾賦追南楚人稱似景差貽子雙五律麗則掩當時

九月藥亭宅見梅

梅喜炎州暖長開在約前年芳能自早秋色為君妍朔雪從無地南花更有天忘憂須此物泛泛酒杯傳

菊

蠻花皆早發黃菊獨宜寒雪少英難落霜微葉已丹香從梅外得甘以露時餐秋色為春色畱君隔

翁山詩外 五律四

歲看

冬菊贈人

節過無人賞芬芳實在今香分梅萼暗色與雪花深嶺南人以瑞香當小歲君向粵中尋甘苦平生節榮枯一日心年年

寄扶晨于鼎文治兄弟

一片成黃海黃山信有無湯池在烟霧石笋似荻蒲峰好人相讓采多汝不孤平生懷小舉黃山一名小舉可得上天都

愛爾賢兄弟真同大小山采高爭嶽出花好與人閒歲事先秋盡天心及早還才多無不可嘯詠且

相攀

梧宮

范蠡未勒越五湖安可浮故人盡西子終古一扁舟
雲氣含烟白山光逐水流梧宮何處是蕭瑟近長洲

詠史

自古皆亡命英雄豈異人龍蟠憂有氣虎變患無身
孺子雖神智圯橋且隱淪篋中兵法在端可滅强秦

寓居江鄉有作

扶牀多稚子敦杖有慈親甘苦同黃菊浮沉在白

翁山詩外

五律四

蘋未歸華夏同猶是亂離人采樹能霜雪天寒蒼翠新

贈水巖研與翰荒

一片九淵質摩挲真氣蒸端方山嶽立溫潤水雲凝
洗滌防兒女提携得友朋贈君歸著作世世寶相承

所何寄盛南樵
家故有第六句

移家返沙亭賦贈家泰士兄

親年若流水喜懼兩交心身許須他日家移且舊林
君能衣彩筆我亦食瑤琴一自爲高節窮愁共至今

二月沙亭好家家有賜茶閒持一尊酒徧賞四鄰

花哀怨傷天性沉酣各歲華賢兄見春草麗句輒相誇

田尾村居

葛蔓滋三徑榕陰蔽數家農收霜降稻圃落小寒
瓜魚戲流雲亂蟬嘶落日斜杖藜無事極吟繞未開花

秋日石門山房作

一葉驚山烏蕭蕭秋欲分天寒難作雨地溼易生雲
石氣衣裳透蘭香几席薰美人如玉魄月下影紛紛

沙灣作

翁山詩外

五律四

古

青鏡休相照愁人未有顏年豐偏乏食時至尚局關
雪白花迷港霜黃葉滿山扁舟安所往魚鱗足西灣

舟入灘山贈內

舟穿巖洞出石乳滴人寒袖溼千峰翠顏分萬葉丹
烟深山影少風亂水聲難一樹幽蘭草香盡日看

艸堂夜坐作

蕭瑟艸堂風無眠夜欲中劍光寒透室琴響靜流
空智在年方壯文多道自窮行藏殊未定且作浣花翁

京口眺望和人

岷峨萬里水東下阻金焦森森連三楚茫茫送六
朝亂帆隨白鳥哀角響青霄京口英雄地擣蒲未
寂寥

對月

暮雨過天末秋光出水濱幽心知最早白首見如
新皎潔終辭夜悲歡幾累人他宵江海上寂寞更
相親

朱人遠曾經屈沱作歌屈沱者三閭大夫所
居楚人謂江之別流為沱云

秭歸南部外傳是左徒家有客尋南裔維舟向水
翁山詩外五律四

涯仙成為海伯記稱三閭賦就散天葩祖述多高
弟如君更麗華

詩亡騷乃作風雅變逾深不是忠誠者安知諷諫
心花連漁父舍苔長女嬃砧紙上多香草童蒙拾
至今

王學士亦經屈沱作詩予復和之

一從騷聖作萬古楚聲多懷石知何處為家在此
沱地陸放翁始作屈沱詩祠羨故人過再拜投詩
賦魂來自汨羅

吾鄉臨一水亦用屈沱名伏臘湘纍廟絃歌楚些
聲宗惟南屈盛辭未使君輕家學元騷賦依依忠

愛情

劍池作

聞道闔廬劍三千泉下藏揚精為虎氣逆理是魚
腸露滴梧宮冷烟流鶴澗長墳西鄰紫玉山鬼綺
羅香

白虎君王氣千年隧道中精靈歸落日歌舞散秋
風峽底三泉鑿林間一徑通數聲鐘磬響山鳥暮
爭叢

湘君辭

翠華殊未返終古一相思淚作湘江水痕畱古竹
枝蘭旗雲外度瑤瑟月中持更化雙青鳥銜珠向
翁山詩外五律四

九疑

連州舟中

六月湟川道舟行奈熱何三朝三峽在一日一灘
過力盡因拳石心驚豈怒波炎風吹不動片席礙
藤蘿

石垂太古乳泉濺半天花倒插雲根亂橫開水口
斜聞聲知瀑布望氣識丹砂勝地堪棲隱吾茲實
有華

湘中作

帆掛半邊風空江縹緲中山光全在水秋色欲來
鴻艸短村墟出林疎烟火通湘潭多少路數數問

繁翁

頻因衡嶽失盡見水灣環九向瀟湘好三從岫嶼
攀花開人競上月出鶴方還欲謁祝融去來春可
得閒

次沅江縣

沽酒停蘭漿蕭條見暮鴉城空無水客縣小只漁
家乘雨鷓鴣放隨風片席斜秋來多樂事夜夜宿
蘆花

寶積山謁諸葛忠武侯祠

宗臣勞六出正統恨三分事迹高青史祠宮落白
雲人思炎帝德天如伏龍熱腹臘西南俗依依薦

紫芬

不出無章武隆中豈敢閒委身因帝胃守蜀在祁
山智數追三傑忠誠動百蠻桂林多俎豆故老淚
痕斑

山伏波門遊于伏波山之下山有巖俯臨灘
水王副戎行館在焉題以贈之

城標雙笏石石上滿飛樓巖穴通千嶂雲林響衆
流藩王遺別業羽客有丹丘屣步堪乘興何須去
拜侯

代景大夫舟自五屯所至永安州之作

空城秋艸裏往日五屯分兵起人烟盡天陰鬼哭

聞一官投虎口三日仗狼軍馬脫追兵手揮鞭墮

淵雲

蒙江三水合春色一村來花好難爲兄琴悲不敢
開閒官似麋鹿舊隱已莓苔安得乘西漲揚舲返
越臺

路失三江口身隨獨木船雨淋衣總透水裂手長
拳士苦寒披甲村荒夜控弦行行射生物糧盡賴
豚肩

暮冬林葉盡一一鳥巢寒霜薄艸微白雨餘沙欲
乾灘多行苦緩舟小坐難安歲晏無歸計飄零恨
一官

翁山詩外 五律四

關山行萬里旌節駐三年一將書生任孤軍絕域
懸糧空難殺馬水惡易崩船歌盡思鄉曲憶棹東
不眠

水定灘猶怒冰乾樹有光鳥飛將落葉人嘯在幽
篁野飯嫌花片山眠愛乳牀行行且遊眺忘却事
封疆

潤肅烟光淡林空雪嶺微灘留客影葉葉在人
衣地小山相束天長樹作圓不因簡書在便此掩
巖扉

竹間三尺水花下一人船竹密難通月花明不受
烟家家紅樹裏一一翠屏前篙響雲中落魚驚入

稻田

吹烟寒不起日出翠峰明萬木垂復影千巖應鳥
聲石多灘子苦舟小野人輕飢渴慚徒御淒涼此
一行

終年灘瀨上汎汎亦忘機鷗鷺如相識雲山不忍
歸被隨天雨溼舟共水花飛少治軍書暇林端一
振衣

天光清奪水雨氣暖成烟石激泉多咽崖崩樹半
懸微行時採藥不戰即安禪七尺今猶壯堪爲大
漢捐

行隨溪曲折艇小水禽欺雨入蓬窓亂雲開石壁

翁山詩外

五律四

元

遲漁樵何負汝丘壑亦多師干役過青歲艱難早
自疑

終日憂慈母軍中食不甘寄書猶未可望遠更何
堪桂水兵難下榕城戰正酣皇天憐物性早使鷗
鵲南

代景大夫歲暮客建陵作

不雨難成雪乾風日日吹不雨而風依人寒更早
爲客暖無時母老如何出官閒未敢辭連朝烟火

斷莫遣我公知

歲向愁中盡無家又一年庭闈兵氣外妻子戰場
邊介馬馳空返彎弓射不前將軍應踴躍寇壁不

曾堅

白髮絲絲見卅心寸寸傷無才消妒忌有力怕騰
驤戰血衣猶溼戎弓夢亦張蒼頭軍散盡歲暮去
何鄉

一室寒無火籠窓坐待春龍刀多易米獸盾亦爲
薪諸將羞相結孤軍已屬人拂衣須及早歸潔白
雲身

不知新歲至官舍冷無烟朝磬隨僧食春帆與客
懸生還因一馬夢去只中田玉貌當年好義義亦
仲連

漸驚弓刀盡囊空直至今官貧無歲事戰苦有禪

翁山詩外

五律四

辛

心樹樹峰爭出灘灘水未深水開魚欲上垂釣復
鳴琴

且喜諸軍散猶嫌一劍畱言高真是罪命苦復何
求孔雀沙中浴文魚石上遊自今飛遞意依舊似
羅浮

散帶慵趨府焚香愛掩關無心交貴幸有道在清
閒發弩何須中脂車只合還無端成小草不敢見
青山

平生蹈白刃浩氣四方聞片語消草盜空拳作一
軍寧辭兵事苦所恨將權分安得承嘉惠還山卧
白雲

方披銀鎗出卽振玉珂諸將勞相如孤臣愧不
才雪消春艸苗風轉臘梅開寵辱曾何有陶然一
舉杯

病以憂時得愁如失路何賈生無淚久韓信欲亡
多雪盡梅方蕾冰開水始波白衣歸教授吾道在
巖阿

雨暗江城色炊烟溼不高柳風吹古渡花水滿平
泉客裏偏多疾行間故積勞官貧無藥餌欲典呂
虔刀

卧病戎旃下時來反陸沉平生惟飲膽一夕遂灰
心電箭身曾受霜花鬢已侵白駒徒見繫不肯放
翁山詩外 五律四

歸林
一片融江水長流鳴咽聲夢因笳弄斷心以劍花
明川阻蒼梧路山迷白電程何如鴻鴈好羽翼及
秋輕

分水寓廬作

大雪嘉魚出南風白蜺肥携來湘峽少載向市橋
稀山海愁多盜鄉園老未歸先公浦口墓咫尺亦
相違

矣時

茲鄉魚米貴商賈競豪華本業無人務浮居總客
家寇來稀廢柴

得食泉遍海洋

西北雙江水從茲溯上流帆檣爭好步歌吹動開
愁茉莉香漁艇桃榔暗客樓王商多厚利絡繹上
雒州

歲朝詠史作

陰從元日合寒向立春來歲殺何時盡陽和詎肯
回乾坤兵氣寒歲月漢疆開秦乙親祠未還期指
越臺

未增冠帶室空老霸王師北指蚩尤暗南行太歲
遲陽門風已轉陰國雪猶吹辛苦梅花發先春自
一枝

翁山詩外 五律四

諸將能鋒銳何須咫尺書王師憂外老敵國惜中
虛水急官橋斷山長戍鼓疎攻城原下策萬眾莫
踟躕

艸野猶王土江山匪故家長眠思白日每飯念神
華漢壘無龍額秦關有馬加南枝春信斷休問嶺
頭花

立春先一日寒絕雨難晴未盡玄黃血猶含殺伐
聲北人嫌日暖南國喜春明雪自邊關至年來滿
越城

二雛孩笑日三婦麗華時不少閑庭樂猶深歲序
悲英豪難首事幽獨易先知學易何曾晚吾將自

得師

宋玉

荆南多巧說宋玉尚微辭神女空魂夢湘纍已別離荒淫言是託搖落氣何悲師弟皆忠愛襄王自不知

臺懷地在五臺山懷內故名

路從幽澗上寒踏萬年冰寺寺天花飯山山寶塔燈九蓮瞻聖母千咒施神僧采得零零艸香從暖處蒸臺上有水一大塊色如黑琥珀云萬年物孝定皇太后有神草名天花地花最珍美聖母蓮菩薩有刺麻僧咒術甚神臺上多零零草美人

翁山詩外 五律四

美人愛辭賦自號曰文君天使鸞凰合人教綠綺聞千秋一放誕絕世此清芬錦水琴臺在高高入暮雲

望太行

一石連千里峰峰石上標北襟恒嶽大西接舉山遙口外非戎索關中本漢朝蒞茲形勝在天險為誰驕程明道先生謂太行山千里片石舉山皆石上起峰云

立春口作庚申十月

嶺外寒偏劇窮陰起穗城風將南雪散雪以北風成漢臘先人重蠻方本業輕明年還隴畝且喜立春晴

生萊高堂獻春盤稚子分花寒愁早發驚好喜先聞煖以圍爐得香宜水熟薰貧家多縹布風雪莫紛紛縹布乃縹枝花所成者

兼句愁雨溼一夕喜風和未暖梅香少將春鳥語多遣人能老大舊事尚悲歌心以鬚眉壯菱花奈我何

弔厓和宣人

乾坤於此盡海底有中華魚腹懷忠義鵬帝為國家雙峰天作闕兩廟地沉沙歲歲頻繁薦勞君此水涯宋王厓山死節者其家備大忠祠小盡以配享吾嘗議追行此禮

贈鄆城周子

翁山詩外 五律四

有美高魚客應從德行求先賢依冉子家在伯牛故里之南故里在盤溝五字吟長日三山寫素秋江南風景好更欲一春畱

送人出嶺

五嶺無南據羣星欲北流天將蛟蜃盡人以水雲出烈土年宜暮先公志定酬龍雲蒸變日尺寸亦橫秋

蹤跡雖疎濶情深患難餘艱難畱碩果隱忍長裾別酒傾香浦離心託錦魚東湖徐君宅相訪待巾車

題洪先輩居冊

皎皎白華躬廬居洞壑中淚枯何代柏聲亂一林
風紫極心長貫黃泉夢故通寄聲烏鳥道移孝事
無窮

東程生

有美如王衍瑤林玉樹姿朱絃清廟曲香艸大夫
辭雲母箋頻疊芙蓉筆早持風騷多祖述更與玉
臺期

書廣東陳督學冊子

斯道濂溪後江門是大宗今君至南越何以起文
恭玉振微言在蒼生古路封楚雲臺咫尺几杖願
相從

翁山詩外

五律四

三

炎方文學地教育憶莊渠吾道先無欲人師不在
書願將時雨化長被祝融爐更爲修文獻編成進
玉除

哭亡兒明道

辛酉

又忍西河淚吾茲敢喪明烏生餘一子猿哭只三
聲鞠育勞王母孩提失所生螭蜺空九歲無命養
難成

四歲嗟無恃全憑祖母慈甘瓜根蒂絕老鳳羽毛
垂失乳身常病雖貧學未遲從子歷吳楚黃口已
流離

萬里頻隨父艱虞自幼齡新歸作吳語初讀喜施

經筆札能多取絃歌解細聽童魂方二尺可復伴
囊螢

庾信傷心極庾信有傷心勝衣恨二男從來詞客

淚不獨爲江南爲江南寫愛采烟好餐餘荔子廿一日

汝母知書甚埋香已六年黃泉今教汝紫玉未還

天歸妹真無實先是子娶繼室上季黎童鳥不與玄

道香詩卷在誰與守遺編名道香樓集

返葬陪而母淒涼向海雲前爲西鴈冢乃王舉妻

生所上是舉姜墳地下精魂聚人間骨肉分秦淮將

漢口相望在斜曛母陳葬漢口之大別山

翁山詩外

五律四

三

一夕南出桂團圓泣露華芳終不實搖落且無
花兆夢曾何益當門未可誇嘉名徒錫汝吾母恨

無涯亡兄初姓吾母夢有大桂當門既生因命小

子如磨如錯今奈何先我而沒乎

爲爾應稽顙雖殤是長兒三號腸已絕一痛暈難

支老母憂勞早皇天警戒遲平生情太過更在始

衰時

憶從南海帝禱得石麒麟德薄難留汝門寒每畏

人先是子禱波羅廟周生兒以金徒然勞獄

漬不得照星辰天折皆子罪從何贖此身

書聲猶在耳課讀未從容病後茹筆少春餘衣袷